



# Jualan bazar

# Ramadhan



Sepanjang bulan ramadhan yang lalu, Persatuan Pelajar Pusat Pengajian Kejuruteraan Bioproses, Universiti Malaysia Perlis telah menyertai program jualan bersempena bulan ramadhan anjuran Kelab Keusahawanan Universiti Malaysia Perlis yang bertempat di Kolej Kediaman Tan Sri Aishah Ghani. Program tersebut melibatkan pelajar tahun 2 dan 3 Pusat Pengajian Kejuruteraan Bioproses dan turut disertai oleh RPS sebagai pemantau sepanjang program jualan ini berjalan. Gerai jualan dibuka sekitar jam 6.00 petang sehingga 7.00 malam, antara jualan di gerai adalah seperti kuih muih, air minuman, dadiah dan serunding. Jadual menjaga gerai disediakan untuk melancarkan lagi perjalanan program jualan ini. Sepanjang program jualan ini berlangsung, gerai jualan Persatuan mendapat sambutan yang menggalakan daripada penghuni Kolej Kediaman Tan Sri Aishah Ghani. Program ini dilaksanakan dengan jayanya hasil kerjasama semua pelajar dan kakitangan PPK Bioproses. Secara umumnya program ini dapat menjana pendapatan sampingan untuk Persatuan dan secara khususnya mengeratkan hubungan silaturrahim di antara para pelajar dan RPS. Program jualan ini wajar diteruskan pada masa hadapan sebagai pendedahan awal kepada kemahiran keusahawanan yang merupakan salah satu kemahiran yang berguna kepada para pelajar sebelum bergelar jurutera.